

皇朝經世文續編



皇朝經世文緯編卷七十九目錄

兵政十八 蠻防

請招募獵戶防堵番賊疏

剿辦騰越廳邊外野夷疏

奏為剿平瞻對善後事竣漢兵藏兵一律凱撤疏

奏為田川改土歸流通籌全局疏

請移設綠營疏

奏為林州岷口土民自請改土歸流疏

條陳粵西土田州土目事宜

上粵督平治黎匪條陳

防黎文

會奏黎匪剿撫事宜疏

奏臺灣各路生番歸化并開山招撫情形疏

易棠

林則徐

駱秉章

劉長佑

岑毓英

譚鍾麟

謝光綺

關名

王之春

張之洞

吳大澂

劉銘傳

兵政十八 塞防

上海葛士濬子源輯

請招募獵戶防堵番賊疏

易棠

竊臣前因甘肅沿邊一帶連年番賊滋擾恃其槍馬便捷善於伺伏官兵追捕往往失利惟獵戶一項較為得力經臣移行提鎮訪各屬多雇獵戶教練兵丁勦習鳥槍一有番賊窺伺即探明要隘設伏攻擊曾將辦理情形於上年三月內附片奏明在案嗣准甘肅提督臣索文來函以提屬察漢俄博管所管亦斯們沁為番賊往來扼要之區擬招雇獵戶一千名責成營員所管轄令其遠探近防以固甘涼後路並令獵戶試採金砂以資口食臣當以招募獵戶堵禦番賊令其試採金砂自食山谷之利無須另籌經費尚屬可行惟事屬創始必須籌計萬全方免別滋流弊臣覆提臣囑令責成營員認真辦理不准開雜人等混行闖入並囑妥議章程移覆酌辦旋準提臣酌議咨覆惟請由臣出示嚴禁商販運糧出卡經臣照議繕給告示咨覆試辦嗣復進提臣索文咨稱亦斯們沁安設獵戶一千名邊疆驛路悉臻安靜擬再於附近之野牛溝沙金城二處各招募獵戶一千名連前共一千名一半淘挖金砂一半防堵番賊以采獲之金砂濟獵戶之口食俟試采一年後如果金苗旺盛再由文員議請升科等情臣查野牛溝一帶道光初年曾為漢奸盤踞藉挖金砂為名勾引野番乘隙搶掠經前督臣彭亨成奏明封禁原不應輕議開采惟利之所在小民趨之若鶩節年雖經查禁而奸民之偷挖與兵役之包庇仍在所不免且十餘年來番匪猖獗日引月深皆由武備積弛自贗番離初非盡由私挖金砂之人勾結指引現值軍需浩繁度支踴躍經戶部奏准令各省開礦以盡地利並欲奉諭旨令各督撫力籌變通濟急之策自不應拘泥原案以天地自然之利置諸無用之地今議請招募獵戶堵禦番賊試採金砂以資口食係為因時變通起見惟利弊每相倚伏全在權其輕重設為制防庶操縱在我不致有末流難制之患所有亦斯們沁前募獵戶千名是否實止此數有無開雜游民混迹現議野牛溝沙金城添設獵戶各千名是否尚可裁減如何設立頭目稽查鈴束遊民混迹如何防範金苗衰歇如何散遣及現需口食如何購買稽查均宜先事預籌以免滋弊當即遵委西甯鎮總兵雙銳升任兩廣鹽運使甘涼道李恩慶西甯道毓科會同提臣詳細履勘妥議具覆以便核辦去後茲據提臣索文會同該道鎮等覆稱於本年二月初五日會詣亦斯們沁等處逐一勘明緣察漢俄博管地處卡外南山與甘涼邊界中隔一山形如扇面山南自涼州屬之平番縣至甘肅嘉峪關止僅長六七百里較之山北大路由平番抵

嘉峪關計程一千三百餘里頗為便捷亦斯們沁及迤西之野牛溝迤東之沙金城均係山南要隘相距三百餘里前於亦斯們沁安設獵戶僅可防堵甘涼二州之扁堵口等口隘二十七處其餘各口隘勢難兼顧今議沙金城安設獵戶堪以堵禦涼州屬之一顆樹等口隘三十處野牛溝安設獵戶堪以堵禦甘涼肅州所屬之大磁等口隘十八處與亦斯們沁聲勢聯絡須每處安設一千以一半專司堵禦一半淘挖金砂作為口食所需獵戶山南即招西甯大通河州三處戶民責成大通縣軍功蓋彌從九品文生批廷組總管山北即招張掖山丹東撫樂華亭五處戶民責成山丹縣文生李凌雲總管均得其素習射獵兼務農業者分為兩翼按名給予腰牌註明姓名年貌籍貫具外來游民及無家室縣不准濫收仍遴選家道殷實者老成服衆之獵戶作為總練每人管轄獵戶一百名每一練總名下分設小頭人十名各分管獵戶十名官為製給旗號槍礮刀矛器械由該總管及練總人等督率團練儻有弊竇惟該總管是問至亦斯們沁一帶地氣嚴寒不產五穀獵戶所需米麵計口投食止准由扁都口運出其餘各口概行封禁山北責成永固協副將山南責成永寧營遊擊互相稽查俾口糧不得私販入山游民無從得食自可禁絕僥倖金日久衰歇該獵戶俱有身家可以不遣自散並據聲明在前亦斯們沁安設獵戶一千名均經按子腰牌責成頭人管束由漢察俄博營都司按月結報提督衙門查覈委無閒雜混跡之事等情復經臣檄飭藩臬兩司確覈妥議去後茲據藩司段大章臬司常績覆明所議均與邊防有裨詳請具奏前來臣查防番之道全在該提鎮等督率沿邊將弁實力偵探先事提防一有番賊窺伺立即督兵掩捕自不敢深入滋擾至獵戶生長山谷素以打牲為業鳥槍較準且路徑熟悉履險如平素為番賊所憚實足輔兵力之不逮上年西甯一帶番賊雖屢有窺伺均經兵獵人等隨時擊退奪獲贓物割取首級未能得利而去較從前之動輒深入者頗覺有間甘涼一帶亦俱靜謐提臣索文上年於亦斯們沁地方安設獵戶並無番賊滋擾似已屢有成效今議請於野牛溝沙金城二處各安設獵戶一千名連亦斯們沁獵戶共三千名以一半淘挖金砂以一半防禦番賊既可慎固邊防亦免另籌經費似屬一舉兩裨所議設立總管練管人以資約束分給腰牌以免混冒稽查口糧以杜隱混所有總管及練總人等儻有弊混及經理不善即行隨時更換分別懲處至升科一節該提督原議試俱按月繳官以杜隱混所有總管及練總人等儻有弊混及經理不善即行隨時更換分別懲處至升科一節該提督原議試采一年升科嗣經該鎮道等會議以一年為期太促請照開墾地畝之例以三年後升科臣查甘肅安西州敦煌縣開采金砂均係按定課每年解京備用現在試采伊始所有采獲金砂應由該提督督核季冊報臣衙門於一年限滿造冊報部仍俟試采一二年後察看情形應如何酌定課額另行覈辦再據該提督聲稱所募獵戶均各有身家如礦苗衰歇可以不遣自散等語

臣查礦苗衰旺皆由積漸而然應令該提督隨時察看如日久礦微即將所募獵戶陸續減撤毋致聚集滋事相應奏懇 聖恩俯念邊防緊要准其招募獵戶試行開采所有未盡事宜仍由提臣索文詳晰籌議由臣督同兩司悉心酌定責成該提督督率營員認真辦理毋致稍滋流弊

剿辦騰越廳邊外野夷情形疏

林則徐

竊照雲南騰越廳地方三面通夷為逆西極邊之區界連緬甸所屬沿邊卡外別有各種野夷既非外域齊民又不歸土司管轄雜居山谷分寨自立頭人具性貪暴兇頑每乘虛突至漢屯搶擄人畜財物因營汛不敷分布曾道光於初年請項建置碉堡雇練駐防要隘而山徑叢雜該匪輒於無練之處潛途潛出肆擾節經堵緝驅逐尚不至大為邊患乃自上年秋冬以來有古勇蓋西邊外之老草坡熊家山等處野匪疊糾多人至古勇河西票子團崩麻各漢寨先後擄去男女二十六丁口并牛馬牲畜財物報經古勇士弁協同屯練追捕無獲稟由鎮道府廳會議以該處距各營較遠山徑荒僻險易難知若調官兵剿捕既恐多延時日且不諳習路途不如就近抽撥屯練札調能事備弁官管帶進剿可期事半功倍查有附近之明光隘土守備左大雄勇敢有為疊次出師着績堪以率領各土弁管帶勁練出卡相機剿辦應需糧鹽由騰越廳籌捐供支先後具稟請示臣等核其所請實為肅清邊境要務當即批令督同妥速辦理去後旋據該鎮道府廳等節次稟報本年正月十九日調齊勁練五百名交左大雄管帶進剿二月初四日行抵老草坡野匪已有準備早經挖濠樹柵出而抗拒該土弁新帶各練奮勇攻擊槍礮齊施各匪敗竄入柵砍斃二十餘人帶傷甚多隨乘勢圍柵放火焚燬匪寨各匪分竄至大竹蓬等八寨并西山九寨該土備又以次進攻各寨野夷始知畏懼邀請安分寨頭諸營投誠查該處夷風過有齊心禁戒之事須抱犬石發誓方見真誠具各寨中惟六項之大野貫與習董之大頭目平日尚知信義當飭該野貫等如能擔保各寨不敢滋事誓石投誠方可允准該夷等俱願遵照隨即獻還所擄男女八丁口牲畜六件查明原主給領其餘財物據稱係熊家山等野匪擄去旋即移營往攻於二月初八日進至熊家山探知該野匪所居懸巖陡壁已將出入要口深濠圍壘且恃有怕洒等五寨為羽翼資隅不出該士備帶練分攻各匪亦分股抵禦騰越鎮總兵銜住接據稟報恐左大雄深入險寨練力不敷又復商令該廳加調屯練五百名往助左大雄得添新練遂逼近要口分為五路進攻二十二日該匪出單拒敵各練丁迎頭奮擊殲斃頭裏紅巾首匪二名及匪衆數十名各匪退回口內迨夜潛出劫營練丁先已防備極力轟拒野匪撲營愈急經六品軍功項帶練總董大文瞥見指揮放槍迎擊并自行抱石打中為首一匪腦後倒地距匪夥從旁放槍致重大文額角受傷被害衆練開柵齊出抄截

環攻始將各匪打退平明查看山箐內有匪屍二十餘具仍復連日進攻斃匪無數土練亦間有傷亡是月二十九日始壯紅家山匪巢焚燬即在該處營以堵泊酒等寨往來要路其中安分野夷恐被玉石俱焚紛紛詣營求請投誠歸化該土備憲其挾詐令通事逐名究詰據供熊家山滋事匪首一名茶山老五一名阿五其怕酒等寨匪首名為總頭老五與各小頭目等均先後被殲身死餘皆逃散伊等恐被剿滅趕將寨匪所擄之男女十八丁口并牛十七件獻出求免盡剿又查出寨匪所留之漢奸馬六張小老二人細送請辦該土備允其所請當將人畜交收訊據漢奸馬六張小老供認均係沿邊民人向走夷方貿易因虧本負欠難歸潛入野山交結夷匪指引槍擄冀圖得贓分肥其送還被擄民人楊啟元楊官文余小老余小二蔡大劉九榮邵小三劉五斤劉鳳英劉小三張邵有張富尹益李國棟張聯榜張喬科金洪榮十七人并婦女何劉氏等九名逐一訊據供稱先後遭匪擄去扣留役使并欲勒贖該婦女等均未被匪奸污餘供大略相同其代老草坡等處擔保求誠之六項野蠻實重頭目十人亦為熊家山等寨懇求免剿情願出具永不滋事刀標木刻誓石投誠如再為匪惟伊十人是問察具情詞不至反覆隨飭傳齊各野山頭目與邊民同至漢夷交界之三官殿宣示恩威嚴加傳諭責成六項習董各頭目分寨管束永不准其入邊槍擄滋事各野夷咸皆畏服叩首誓盟所具刀標木刻均於邊隘立石示眾沿邊地方已極安靖遂於四月初六日撤練回至廳城查明此次陣亡除練總董大文外尚有練兵六名又受傷練丁十八名分別卹賞所有一幼經費據署騰越同知鄧墀重請悉由該廳籌應等情臣等查此次該土備左文雄自正月月中旬帶練出剿至四月初間竣事各寨野夷除焚斃斃斃外均已畏威悔罪立誓輸誠洵能遠振軍威又安邊地此後仍須益嚴約束倍緊巡防所有各卡隘練丁暨應責成騰越鎮將會廳逐一點驗凡從前疏縱夷匪及現在年力就衰者均從重責革究辦其撫夷備委中據查有孟學鄒吳正傳楊鎮邦及練頭孟效鄒洪德恩五名此次俱甚出力但從前夷匪擾害邊民何以不能有犯即應應令根究明白分別功罪以示勸懲漢奸馬六張小老勾結外匪滋事已據自行供認自應歸於逆西匪夷案內飭道審明就地懲辦傷亡練丁咨部請卹其六品軍功頂帶練總董大文親手擊斃首匪旋因中槍陣亡可否仰懇 天恩照土千總例賜卹至明光隘土守備左大雄前在永昌等處軍營屢經出力疊蒙 賞戴花翎並加宣撫使銜該土備深知感激奮茲又收服各寨夷匪可否再懇 恩施賞給巴圖魯名號以示激勵其騰越鎮總兵銜住迤西道王發越永昌府知府張亮基署騰越廳同知雷益州知州鄧墀籌商軍務督率均尚有方可否請 旨交部均予從優議叙之處出自 聖主恩慈

奏為剿平騰對善後事竣漢兵藏兵一律凱撤疏

竊臣等前將瞻對瞻首大概情形附片陳明在案茲據委辦夷務鹽運使銜候補道史致康稟稱所派文武委員督同番官暨各土司會合藏兵攻克瞻對新舊兩寨將瞻首工布朗結及其子二子焚誅擒獲頭人六谷瑪羅布札喜立即正法並將生擒之東登工布及其親屬押解回藏分別辦理各處土司均已安插所有藏兵酌發犒賞現已陸續起程回藏等因查中瞻對自乾隆十年剿滅以後至嘉慶二十年又與土司構釁滋事該酋羅布七力與其子工布朗結先後繼惡數十年來屢啟邊衅自羅布七力既伏冥誅而工布朗結貪狼性成勢復鴟張侵佔各土司地界搶奪印信號紙強梁自逞道光二十八年前任督臣琦善督兵剿辦挾川省之全力未能得手不數年間工布朗結盤食鯨吞竟將霍耳等五家土司與德格土司並西甯迭木齊二之五族地方全行侵奪上年並擾及藏界圍攻栗塘燒燬台站意在窺伺藏界經藏中派番官帶兵堵剿未挫山鋒迫麻書土司四朗汪結親至打箭鑪城面請委辦夷務候補道史致康調兵助剿當經史致康密示機宜多方激勵該土司願效前驅約會被害各土司同時反正合謀協力並接引藏兵節節進攻屢獲大勝明正土司甲木參齡慶亦派頭人帶領土官出境會剿經文武委員督率藏土官兵遂將瞻首新舊兩寨圍困維時臣等已接史致康密稟知辦籌得手機會大有可乘因飛飭由東塘夷務辦結後即馳赴瞻對並調派弁兵運送大礮分路環攻乃得搗穴殲渠除此巨惡實足大快人心被害各土司及難夷等流離失所一旦得復舊地無不歡欣鼓舞各安住牧惟卑巴塞爾塔係土守備汪慶住牧地方自被瞻首侵佔後現查土守備汪慶既故已無正支可以承襲各土司中惟麻書土司四朗汪結尤為出力應將卑巴塞爾塔地方責成該土司兼管番民亦皆畏服具瞻對上中下三處方經達賴喇嘛派番官帶領藏兵會同漢土官兵剿滅瞻首未便沒其微勞仰懇 天恩將對瞻三處地方 賞給達賴喇嘛派堪布管理建廟焚修應請 敕下駐藏大臣查明請 旨遵照辦理其東塘案內在逃之崇喜土司拉旺任曾聞拿自行投出已交番官解赴藏中辦理藏兵現已起程回藏所謂漢兵及各土兵均於十月三十日凱撤臣等查此次剿平瞻對焚誅首逆收復侵佔各土司地方縱橫三千餘里一百餘年邊患永絕根株並不勞師糜餉此皆仰賴 天威即臣等亦不料收功如此之速前此藏路屢撤台站雖由瞻對擾害而各土司借詞要挾亦所不免經此次剿滅盡淨之後均皆震懾各土司恪遵斷牌遯睡自此可期靖謐史致康督飭文武委員及漢土藏兵在邊徵出力兩載有餘均屬著有微勞容臣等查明擇尤酌保仰懇 鴻施以資鼓勵至藏中番官喇嘛等應請 飭下駐藏大臣查明奏獎 該

奏為田州改土歸流通籌全局疏 光緒元年

竊臣於光緒元年四月二十五日奏請將土田州知州革去世職具地改土歸流一案五月十一日奉 旨該部議奏欽此八

廣西巡撫劉長佑

月接准 部咨查思恩府屬之土田州一缺原係土人岑氏後裔承襲今據該撫等奏土州知州乃青病故無子族衆支分爭
襲分黨仇殺土民流離轉徙日不聊生來營泣訴苦狀均願歸流官管轄不願復為岑氏土民應請將土田州知州革去世職
其地改歸苗疆知縣一員其思恩府屬百色同知與鎮安府屬奉議州判二缺酌量升為苗疆直隸廳簡缺知州以資治理等
語自應准如該撫等所請添設苗疆知縣一員百色同知改為苗疆直隸州奉議土州州判改為簡缺知州並令該撫體察情
形通籌全局及一切未盡事宜詳細奏明辦理等因具奏奉 旨依議欽此咨行到粵 臣欽遵督同藩臬兩司諄飭委員梧州
府知府徐延旭暨該管道府等將一切事宜細心體察妥籌酌議去後旋據陸續呈前來 臣與兩司等通籌全局查土田州
地方內外共分十里每里分三都每都分四圖每圖之廣袤十里二十里不等多與百色廳奉議州緊相毗連今請改流應於
燕峒緊要之地設立知縣一員作為苗疆衝緊要缺管轄上隆下隆上恩下恩上田里及篆里之一二三都等處擬請名縣曰
思隆其餘各里附近百色者擬歸百色管理將百色同知升為苗疆直隸州即以思隆新縣屬之附近奉議者擬歸奉議管轄
即將奉議州判升為簡缺知州以資控制新設之隆恩縣清查田畝丈量升科每年應徵地糧銀二千九百九十三兩零應徵
兵米一千四百三十二石零添設訓導一員文武學額各四名廩生增生二名四年一貢並添設縣丞一員駐防上田里平馬
墟又分防下隆里巡檢一員上恩里巡檢一員篆里巡檢一員典史一員其營制添設恩隆營守備千總各一員駐紮縣城把
總一員分防隴田外委把總馬戰兵二名分防下隆篆里額設馬戰兵五名步戰兵三十七名守兵八十八名俾資守禦防緝
又新升苗疆百色直隸同知經管龍篆武隆下田里篆里之四都應徵地糧銀一千五百二兩零本色米一千七十三石零督
徵陽萬土州判解廳轉運地糧銀二百八十三兩添設學正一員文武學額各四名廩生增生各二名四年一貢並設照磨一
員該廳既已升為直隸州毋庸再屬思恩府以符體制又新升奉議簡缺知州該州原設有開闢徵地糧銀四百八十四兩零
無開闢徵地糧銀四百六十三兩零新編中田里地糧銀一千三十二兩零本色兵糧米八百一十石零並添設吏目一員該州
原定學額三名廩增生各二名四年一貢擬請增設文武學額各一名其廩增生各生均循原設該州仍屬鎮安府以符舊制據
藩司嚴樹森署臬司周星譽分晰造冊會詳請奏前來 臣覆加體察無異相應請 旨勅部分別議覆如蒙 恩允 臣當按照
新設文武各缺分照例遴選員請補募民如額督同司道協營嚴飭各該文武員弁講求治理勤慎操防一洗從前土規陋習以
奠民生仰副 聖朝軫念邊氓綏靖疆圉之至意其修建城垣衙署各事宜另行由司詳咨核辦應頒文武各員弁印信鈐記
並歲需俸薪養廉兵餉銀米各數目現已分晰造冊隨案送部以備核覆至岑氏一族構禍逃亡者迭飭嚴密偵緝獲日另行

懲辦餘皆疏遠之族年來魯造禍亂蕩析離居情形均屬可憫該與附送釀患者有間擬請准其各安耕鑿邀免遷徙出自
皇仁如有於改流之後另滋事端即飭各該文武隨時拿辦合併陳明

請移設綠營疏

李毓英

竊維政有常經兵無常勢守經貴於達變因勢在手轉移 國家定鼎以來於八旗之外設立綠營棋布星羅法良意美乃承
平日久營伍廢弛倉猝罕興不得已而助勇募剿事竣之後有請創立水師者有請添設營制者有請量移汛地者皆蒙 朝
廷採擇施行蓋以時異勢殊不能不量為變通也滇省寇亂多年仰賴 聖主如天之福以次削平凡在臣民同深慶幸惟治
不忘亂斯能長治安不忘危始可久安所有善後事宜必須妥為區畫謹將管窺所及敬為我 皇上陳之 一迤西麗江府
城地處極邊界連西藏僅以鶴麗鎮左營右哨千總分防殊不足以資控制又麗江劍川交界之喇雞鳴地係江邊要隘江外
即是野人距麗江府城五百一十里鶴慶州城四百二十里劍川州城三百二十里該處附近鹽井近頗豐旺從未設兵駐防
商人每被搶劫查鶴麗鎮總兵及中營遊擊左右二營都司均住紮鶴慶州城擬請以鶴麗鎮右營都司移駐劍川府城劍川
營都司移駐喇雞鳴以固邊圉該處既設都司劍川已為腹地即以麗江汛千總移駐麗江府城亦屬相宜又蒙化廳地方縱
橫數百里只有景蒙營千總外委各一員帶兵一百數十名不敷分布該處距景蒙營三百四十里有鞭長莫及之勢而景東廳
幅幅遠瀾營兵不能再分查提標中左右三營大理城守營同駐大理府城擬請將提標右營遊擊移駐蒙化該處距大理僅
一百八十里遇有征調可以一呼而至其原駐蒙化之汛弁兵丁撤歸景東以備添撥分防又楚雄府屬入哨地方界連景東
迤邐三四百里山林密樛夷聚居不下百餘寨奸宄涸跡此擎彼竄擬飭楚雄協副將分派千把一名帶兵數十員設汛防
守並飭景蒙營遊擊於交界之處再設一汛派把總外委一員帶兵數十名梭巡會哨以期道途安靖商賈暢行 一迤東潞
江府城距省一百二十里為省城藩籬所屬有新興路南二州河陽江川二縣向由臨元鎮以把總一人分駐潞江千總一人
分駐江川新興路南各有把總一名每弁帶兵不過數十名分設各汛塘堆卡緝捕巡防有名無實且與臨安相距三百八十
里該總兵亦兼顧不遑故咸豐年間賊起而潞江先失屢次圍省朝發夕至大為心腹之患在滇省舊設額兵四萬八千數
百名嗣經裁減僅有三萬七千數百名曩時督撫兩標城守一營共設兵七千數百名裁減之後僅存三千數百名今大亂初
平情形迥異至應酌量添設擬請仿照雲南廣西營設遊擊一員中軍守備一員左右哨千把外委共十六弁馬步守兵共七
百七十五名作為潞江新興路南江川四屬以捍衛省城將四屬原設各汛弁兵撤歸臨元鎮標擇要安置 一迤南臨安府

屬之曲江距府城一百餘里地當衝要村寨稠密田土肥饒由館驛五山而至甯州婆舍綿亘二三百里山河險阻異常回患難處屢為盜藪上年蕩平館婆賊巢暫留勇營駐防該處向歸臨元鎮中營分防只派外委把總一員兵數十名地廣兵單期得力查臨元鎮總兵及中營遊擊左營都司同駐臨安府城擬請將臨元鎮左營都司移駐曲江汎弁移駐婆舍更以曲江汎弁移駐甯州屬之青龍街塘汎相聯隨時巡緝庶不致有疏防之虞以上各條均為通省善後起見臣賦性庸愚知識淺陋曷敢以舊章妄有損益而節年用兵轉戰各屬既身經而目觀爰思患以預防探諸輿論詢謀僉同不揣冒昧據實奏聞可否仰懇 天恩飭部臣核議奏請 飭下遵行具員弁兵丁如何調補兵米俸餉如何酌撥咨俟欽奉 諭旨當與督臣悉心妥籌分別辦理現在滇省軍務初竣安置兵丁最關緊要安置之法又莫善於易勇為兵而俸餉虛懸難措置臣等前已清旨飭催各省欠餉若寬為籌撥迅速解滇亦不難乘時整頓以復 聖祖 列宗之成法此又臣有志未逮而不敢稍存惟護者岷州林口土民自也

岷州林口土民自請改土歸流疏 光緒十一年

譚鍾麟

據肇昌府知府顧士璋詳稱岷州林口土民后哈哇等聯名具控土司后振興科派剝噬民不能堪情願改歸岷州為民並黏皇后振興劣蹟多款具詳請示前來臣當即飭司委員前往確查旋據委員候補知縣賈汝讓稟稱遵即改裝易服親赴林口堡嚴密訪查該處土民眾口一詞不願歸土司管轄情願改歸隸岷州苛虐並查后振興無端科派需索土民挾勢欺凌擅行查罰各情與土民原呈所控無異此即傳集該土民等至肇昌府知府顧士璋會訊據后哈哇等四十餘戶土民同供土司暴虐受害甚深情願歸州為民取具甘結存案臣復飭司將后振興提省發蘭州府覆訊據后振興供父后尙盛原駐林口土百戶同治十年病故應由振興承襲因兵亂未經請襲仍管土司戶事務林口民八十餘戶現祇存四十餘戶后哈哇等所控各節皆係相沿陋規按戶攤派並無拆毀房屋犁平墳地之事今眾土民既不服管束土司亦願改歸土流等情由蘭州府訊明詳司核轉前來臣查林口土百戶后希魁於順治十二年授外委司戶其孫后榮昌於乾隆七年實授土百戶沿襲至后尙盛已閱十世其子后振興於后尙盛病故後未請承襲輒自稱土司橫徵暴斂致所屬土民不服情願改土歸流自應俯順輿情准茲土民后哈哇等四十餘戶改歸岷州編入民籍由地方官約束再查例載凡改土歸流土司傾心向化率屬內附由督撫疏請改隸民籍授以守備千總把總之職准其世襲其年富才優者隨營効力等語今后振興以應襲之人未經請襲輒敢率意妄為致眾情不服情願改土為流既非率屬內附者此應不准其承襲第其親支別無可襲之人而其世職又不便遽革

可否俟后裔盛親支有人改授百戶相當之職令其承襲以廣 聖朝寬大之仁並可與主司猶豫之習是否可行相應請
旨飭部覆核示遵

條陳粵西土田州土目事宜

謝光緒

竊廣西各土州土縣土司所隸土目一遇不平往往勾結外匪伏匿深山伺隙尋衅出沒靡定大為邊隅患害宜求取遠之方
乃遂久安之計查廣西土田州知州自宋以來八百餘年惟在我 朝奉職最謹雍正年間土知州岑應祺大討卓異黑次從
征苗匪有功其後土知州岑宜棟亦助剿出力臨陣捐軀乾隆五十四年十月奉 上諭據福康奏查明土田州知州岑宜
棟於本年正月初五日被賊圍繞實係受傷陣亡請 旨飭部議卹並將土田州世職以伊子岑煜係屬庶出與承襲之例不
符請暫行協理俟伊孫岑裕愷已及歲再行請覲等語岑宜棟以邊土世職深明大義於官兵進討安南即帶兵助剿又復策
馬陷敵臨陣捐軀情殊可憫該土州前因左力經前任督臣李侍堯奏明賞給四品頂戴著交部即照四品之例從優議卹至
土田州世職既據福康查明其第四子岑煜實性醇良不必復拘嫡庶之例即令岑煜承襲管理州務但知州係屬五品
今岑宜棟奮勉出力亦復陣亡岑煜亦著加恩賞給四品頂帶岑煜承襲後若果克繼家聲始終勤奮出力將來其子承襲時
亦准其戴用如不過循分供職即行照舊戴知州頂戴以示朕優卹勤勞一視同仁至意欽此旋經吏部議給雲騎尉俟龍次
完時賞給恩騎尉世襲罔替等因具題奉 旨依議欽此此後子孫相繼代有賢能雖土族訟端或啟而大吏審理持平能治
夷情不貽邊患至咸豐五年土知州岑乃青病故無子其妻曹氏連舉族人協理並嗣遺族為後由是校爭更互訟奪紛紜任
事者末由區分久之徑請用兵大加誅戮至同治十三年改流之議遂定而肇豐之族人岑鉉率眾在逃各土目紛紛相隨入
山迄今尚未緝獲各土官覆車共鑒同為歎歎其秦氏本支哀怨之聲猶復相聞道路光緒改廣西通志土田州舊為府治前
明岑猛滋事被誅倡議改流土目靈蘇王受因而為亂明嘉靖七年提督尚書王守仁督師戡定既曰岑知世有田州其繁念
之私恩久結於人岑猛雖誅各夷無賢愚老少莫不悲愴懷恩故靈蘇王受之變倉然遽起不約而同自官府論之則皆以為
苗頑逆命之徒在各夷言之則皆以為嬰臼存孤之義故今日土官之立必須岑氏之子孫而後可等語守仁將四省兵勦撫
兼施恩威並用拓土請設流官知府析地仍立土官知州運謀最深用心良苦曾不欲遂情所部之強兵不留他人之餘地且
查土田州岑氏在明太祖時有五百年忠孝之稱逮事我 朝以來納土效忠超逾僑華恪慎守法累受 國恩 高宗純皇
帝褒以深明大義加以頂戴殊榮原視尋常土官特示優異又查從前廣西泗城府改流之後仍予八品承祀官一人令其本

吏承襲罔替今土田州自改流以來土民目飲恨吞悲不無將奮足踴將噬爪縮之慮擬懇奏請飭下廣西撫臣推懷柔邊土之恩懷防惠未然之戒查明改流善後未盡事宜其應如何量為變通妥為處置或采守仁之謀酌授羈縻之地或援泗城之例予以承祀之官總期憲密思周心安理得俾知恃謬前官已獲己身之護忠良後裔仍邀世及之恩各土官觀感勸懲益加震悚必能嚴束土目安撫土民為國家永捍邊陲於行省藩籬實有裨助

上粵督平治黎匪條陳

闕名

竊平黎匪之法難以力爭必以智取必俟黎出而後戰彼若不出索戰無從即使深入而山徑奇險難以驟越水惡瘴重觸則生席萬一遇有埋伏更為可慮愚竊以為以兵勇攻黎不如以熟黎攻生黎而熟黎攻生黎尤不若以客匪攻黎匪查客匪之所從來本係外省良民因流離蕩析散之四方流寓既久生遂息繁欲去無家可歸如留又不見容於土著既不見容勢必見誣誣之太甚勢必爭鬪爭鬪太甚誰復助客民而屈土著無論理之是非總以上著為良民概指客民而斥之曰匪既名之匪罪自難逭於是與師動衆聲言剿辦該客民等遂不得不輾轉逃竄以入黎穴而苟延其性命非我族類其心必異原其本心誰肯舍名都大邑不居而甘伏處惡山劣水之中與以禽獸為伍哉其所以至此者實以無家可歸不得已而為之也論以行頑梗不法之行其事可誅念從前流離失所之苦其情可憫民衙以為客殆曾子所謂久散之民也似當在哀矜之列現在大兵壓境客民自計無可逃竄不得不忍駭黎人而使之悉心堅拒黎人自計無所短長又不得不厚奉客民而聽其驅策蓋重欲併客黎合辦則永無分之之時欲割客黎分辦則愈堅其合之之志夫善用兵者必知敵情能知敵情然後批卻導窺以無厚入有間彼族予其有餘現在黎匪之情聽客匪為播弄客匪之情恃黎匪為屏蔽為今之計欲剿撫黎匪必先離開客匪欲離開客匪必須安插客匪查從前客匪之在各處不見容於土著以其為客也若居此處即入此處之籍貫則化客為主早相安無事矣現聞客匪不下萬餘人其中必有頭目稍明大義者未必不為子孫長久之計而知棄安就危棄順從逆之非計即以前猖獗如髮逆其心未嘗一日不思歸降以圖富貴惟拒之太甚斯不能不拚命置之死地以冀萬一之生況今之客匪非黎類徒以當日官民交攻逼而走險以至於是大抵此輩亡命之徒從逆則為悍賊歸順可為功臣可否懇恩密札馮軍派心腹能幹者飭其確訪客匪精明大義切實可靠之頭目前往部陳利害約以反戈相向許功成日破格獎勵無論多少概入各州縣民籍任其置田產聯婚姻云云彼之竭力助黎者無非為性命計即准入籍而有家鄉之可歸又為保獎而有富貴之可享其誰不踴躍立功而猶甘自穴居野處為蠢黎操戈以徒喪其性命者無是理也且該客匪等與黎人狎處既久

情偽尤知手足久習輕捷凡黎人所能行而我兵所不能者客匪能之也腸胃既服水土凡黎人所飲食者而我兵所不能者匪能之也長驅直入不須向導而路徑皆熟不憂藏匿而巢穴皆知只須一大將押後權作接應便可收斬將奪旗掃穴擒渠之功不惟可省餉糈並可保全兵勇且可使千萬流離之蒼生皆得其所開疆闢土之功敬悉大人素不屑居在大人民胞物與不便一夫失所之量或可稍慰萬一手說者謂招安本非易事難必保不終變然此只在主兵者之駕馭運用未可概作刻舟論也某總見得該客匪鋌而走險並非本心今日之勢其助黎人者非客匪不行而其所以平黎人者亦非客匪不行某前與瓊州開礦之張主事閒論客匪情形據稱無論客匪不願生事該主事在彼處日久言之最詳加以客匪由來某亦知之甚悉管窺所及不敢不陳

防黎示

王之春

照得黎匪擾民為害已久兼有客奸煽誘嘯聚輒忽靡常雖經防軍協同團練隨時堵剿而兵出賊歸兵歸賊出為患未有已時欲求保衛之方惟有築寨之法鄉之有寨堡猶邑之有城池查嘉道年間川省教匪縱橫四出咸同年間擒匪馬賊蔓延西北雖經大軍剿滅揆厥成功實因南北一律廣築寨堡行前入堅壁清野之法故能制禦流寇誠為意美法良築寨之法就各州縣擇其最大村莊或險要處所仿照官軍營壘以挖濠之土築牆留東西兩門出入牆外以竹編籬或栽刺竹寨中煤火車火均備墻垛堆放亂石門樓安置槍礮一遇有警附近小村莊婦女牛馬糧物均運入寨中固守其壯丁伺隙而出兼可聯絡附近寨堡追擊賊匪核該進無所掠退亦受創自然計勢洩瓊屬近黎州縣亟應仿辦築寨以資保衛札飭各州縣督率鄉團紳民實力勸築并由本道飭各防營如遇軍務有暇可以就近助工外合行出示曉諭為此示仰閩屬鄉團紳民人等知悉爾等須知禦寇方能保家一勞乃可永逸禽鳥為巢尚防陰雨蟄蟲坯戶亦禦風寒如念剝牀之災同為埋戶之計眾擎易舉合力興工其首先報竣寨工堅固者分別給獎倘有偷安阻撓或衍數寨責作不如程者定行提懲責令改作本道擇可勞而勞如父兄之衛子弟爾等因所利而利合鄉隣共保身家庶無負懲前毖後之苦心

會 奏黎匪剿撫事宜疏

張之洞
吳大澂

竊查瓊州黎匪自攻克陳鍾明什密老巢平燬馬嶺康二弓十八寨匪寨後軍威已振西峒逆首陳汶中馬嶺逆首黃清慶一引逆首那肥即胡那肥那悶陵水逆首丁鬚生藍紅衫胡明時樂會逆首賴文成等負隅抗拒兇黨尚多又有偽大將軍鄭顯昌係光緒七年閏七月奉 旨飭令未獲之逆首瓊民多懼其害均應亟為剿辦以伸國法而快人心當經提督馮子材派直

查隸州知州劉保林督率部勇剿辦那肥一股道員楊玉書知府馮相榮率軍追剿陳汶中當清各匪分飭紳團搜捕餘孽上年十月二十七日探知那肥踞廖二弓老巢深藏密上列礮台為死守計劉保林派隊進攻先燬堅木柵十餘層該逆匪猶抵死不逞二十八日我軍直逼老巢以火剪飛射寨中知縣石佩瓊主簿楊士丞巡檢楊桂振等繞出山後圍攻自辰至午賊勢不支棄巢向後山越竄石佩瓊督勇猛追那肥中槍倒地經楊桂振割取首級逆黨回援楊士丞猝為飛彈所中登時陣亡各軍四面兜擊殄斃悍賊百餘名奪獲槍械三百餘件陣亡勇丁九名受傷三十餘名生擒匪供那肥槍斃屬實餘匪逸出無幾維時陳汶中竄入陵水首弓之打鐵却十二月初一日楊玉書馮相榮暨團紳譚喬紳分帶兵練馳往圍捕該逆奮門狂竄練長林明志奮勇持門槍斃逆首陳汶中練長吳金章生擒偽先鋒胡那耀並斃匪夥多名初七日楊玉書馮相榮劉保林移營廖二嶺逆尾首那閔率黨出柵拒戰猛驚異常我軍合力圍攻礮傷該逆左腳始經就擒解交馮子材大營訊明梟示連日各軍剿捕搜山丁鑾生藍紅衫胡明時三逆以次就擒總兵林長福率萃右軍搜剿烏坡一帶餘匪初一至初五等日將橫山圍賊黨一併攻燬生擒賴金昌王打狂等匪職逆斃黨數十名我軍亦有傷亡知府馮相榮率萃中軍分搜定安望天嶺天峒嶺一帶擒斬逆匪賴文才夥黨黃二亞二等九十餘名萃右軍擒獲逆首賴文成暨匪黨胡鳳尾等八十餘名劉保林所部萃軍擒獲黃昌明等一百餘名萃前軍擒獲林成珍等一百八十餘名均係積年黨匪供認迭次殺掠不諱經馮子材先後飭令正法東中兩路匪勢已經渙散惟鄭顯昌苗清未獲十二月二十一日偵知鄭顯昌率具死黨盤踞萬州黎峒馮子材飭署萬州營遊擊方敬選派弁兵會合萃軍馳往圍捕于總張德星五品軍功朱廷光首先奮勇深入黎巢將該逆生擒解營正法本年正月十二日馮子材自赴寶停司督剿令馮相榮劉保林分率勇團搜山是夜蹻及黃清於廖二弓灣洲地方都司陳榮坤有備劉步高連槍擊之斃令降黎認明屬實並將平日濟匪致富被控多案之土棍李榮誥拿獲正法合縣稱快當萃軍漸移瓊南之時中路定樂毗連之嶺門烏坡一帶尚有餘匪當經臣之洞由省另派福軍四營益以土勇兩營前往搜剿撫定其西路客匪黃鄒保溫河清伏黨前次雖經投誠渡海安插仍復潛回故地伺便糾眾劫掠怙惡不悛法難寬宥經道員方長華派軍擒斬逆首陳替桂匪目張秀生鄧亞生賴官生等四十三名稍輕者分別發交州縣懲禁保釋仍飭該處紳團勒拏餘匪以期安緝又有儋州匪首陳鍾銘藉報復為名糾眾滋擾感恩地方焚殺淫掠黎漢各村均被其害上年八月奏明在案方長華派府經歷毓濂等設法擒獲交馮子材大營訊辦以上情形接據馮子材暨方長華楊玉書雷瓊道謙貴等節次咨報案報前來計定樂陵萬澄感各匪俱已漸次廓清惟崖州一屬處瓊府之極南距府城將及千里山谷最深瘴毒最重從古入跡

未到之處該處生歧最悍自道光九年至十一年賊官為亂經前督臣李鴻賓督軍剿平卒以官兵未能深入草林嶺以北黎
邦目此叛為生黎不約丁糧抱寨抱且打為等悖黎匪四出焚殺甚慘紳民屢經稟請剿辦又陵崖交界之下馬峒在五指七
指之間地勢深險素為匪窟此兩處尤應亟機勘定此時將士久勞餉餉不易然不就此兵威一律底定則窮地病根未除豈
教級梗以後難期再舉臣之洞熟加籌度之宜恪遵一勞永逸之 諭廓清崖境以竟全功當經與馮子材電函定議激勵諸
軍多備醫藥移師南路病者撤出善地調養壯者賈勇深入令馮相榮馮相華劉保林等三軍由東路進方長華之軍由西路
進會合紳團分別剿撫務令直抵生歧巢穴應俟辦有端倪再行 奏報此萬陵肅清各匪後現又移辦崖匪之實在情形也
現在亂黎漸稀則撫定良黎有可措手臣之洞酌擬撫黎章程十二條刊發傳布一官軍此舉專為剿除亂黎招撫良黎開通
十字大路以期黎漢永遠相安其良黎秋毫不擾毋庸畏懼一從前為匪黎人投誠者免抗拒者誅擒斬來獻者重賞一投誠
各黎無論生熟一律進髮改裝一投誠黎黎開送戶口冊冊繳匪徒繳呈槍械一投誠黎黎隨大軍伐木開山前驅嚮導仍按
計里數酌給賞犒一將來開通生黎大路後選擇要地設官撫治安營彈壓令邛黎長助剿開路有功者授為土目就中酌設
局總土目數人散自給頂戴總目授土職自為約束仍聽地方官選點略仿黔滇各省土司之例不令吏胥索擾一開通後黎
人仍安生理有主之田斷不能強奪惟抗拒者籍產入官充軍屯田之用一開通田業三年內不收賦稅三年之外務從輕則
起徵斷不科斂一開通後黎境有礦各山由官商開採者給錢租賃絕不強行佔路黎漢均享其利一開通後民人鹽布百貨
與黎地牛木糧藥等物在各峒口設場互市來往暢通公平交易嚴禁漢民訛賴盤駁總令於黎人有益一設立土目之後應
各具永遠不敢殺掠抗官藏匿匪徒之切結存案所屬有犯責成該土目拏送到官按律懲辦一再數每却仿內地設一義學
請塾師習學漢語漢文宣講 聖諭廣訓所需經費就地籌辦令在籍紳士總兵林宜華副將符鴻升等分遣通曉黎語團紳
經歷各峒剖切宣諭其露黎苗黎峒黎乾脚歧各種類多裸處酌給衣袴令其漸被冠裳之化訓其頑悍之俗現據各路稟報
已經雜髮改裝就撫造冊者東路丁口三萬餘北路一萬餘西路四萬餘查撫黎以開路為先開鑿險隘焚林莽令其四通
八達陽光照臨人氣日盛則瘴癘自消水毒自除前代雖有開通十字路之議迄未舉行康熙二十年瓊州鎮總兵吳啟爵剿
南旁峒黎後亦曾議及中作而輟綜考黎峒形勢北以十萬峒之牛欄坪為要東以太平峒之什密為要東南以寶停司為要
南以羅活峒之安司為要西南以古振州峒為要西以江毛峒之凡陽為要皆出入衝要可屯以兵足食之所茲擬開大路十
二道一由樂會之嘉濱市西行經石壁船埠加嶺中平河濫出五指山之北西抵牛欄坪此為東北路一由萬州之興隆五甲

西北行經長沙營什密峯南峒七呷出五指山之東亦抵牛欄坪一由定安之銅甲口西北行過毛祥口出五指山之南西抵五指山下水滿峒一由陵水之烏牙開至寶停司又由崖州之藤橋亦開至寶停司再由寶停司西行橫開一路越七指山抵崖州屬樂司此為東南路均責成道員楊玉書辦理一由崖州東之三亞口西北行越華林大嶺出五指山之西抵凡陽此為東南路責成道員楊玉書暨知府馮相榮馮相華辦理一由儋州南豐市東行經大水番崙元門紅毛合棘諸峒東南抵五指山下水滿峒一由紅毛峒南行經番嚮毛匿諸峒出五指山之西北經凡陽南旅榮安司一由儋州之調南市東南行經七坊刀缸諸峒南抵感恩古振州峒北為西三路一由昌化東行經古振州峒東亦抵樂安司此為西南路均責成道員方長華辦理一由崖州西之九所市北行經樂平汎東北抵樂安司此為南路責成署崖州知州劉保林署崖州協副將方敬會合方長華辦理一由定安之嶺門南行經蚺蛇峒十萬峒牛欄坪南勞峒抵五指山過山南至水滿峒此為北路一由嶺門西南行經三坎溪豬母灣加釵峒出黎母山之南抵紅毛峒此為西北路責成督帶福軍同知孫鴻勳辦理統由馮子材考核督催並飭瓊州道府激勵各屬紳團協力協助大率參攷前明海瑞俞大猷諸人之說加以變通推廣所開之路如井字形其餘各州縣團夫分開小路以合於大路縱橫貫通同時並舉分地定限會合聯接勇團土黎併力作工以一丈六尺為度極險仄處以八尺為度人力所不能施者以炸藥轟裂之所到之處伐木焚莽搭橋繫井經過黎岐隨宜撫定分遣員生測繪地圖並令沿途察看各河道是否可行船筏以備運出老山木材百貨測看各山礦苗種類以備開採山內地形土性宜於種植何物以阜物產而贖瓊民路通地闢之後應於內山要隘廣饒處所建置城寨設官安營以資化導控制舉辦一切俾此奧區永為樂土竊惟瓊郡唐代建州置縣以來峒黎叛服不時屢煩兵力良由山深林密恃險為患外匪附和荼毒益深勞費防守直無安眠與臺灣生番情形無異乃蒙 聖主明見萬里采兵部侍郎曾紀澤之 奏特頒 諭旨令籌經久之計臣等仰蒙 宸謨策勵諸將稔惡亂黎誅擒殆盡開荒墾險漸化狂獠目前路工已得十分之四統計五月間路工可一律告成羣黎亦可撫定一切善後事宜 臣等當妥議 奏陳所有疊次攻克萬陵等處匪巢殲除首要以及深入老山撫黎開路各員弁險艱勞瘁迥異尋常應懇 恩施由 臣等存記俟全瓊肅清後彙案 奏請獎叙出自 鴻慈逾格謹會同前廣西提督臣馮子材恭摺奏陳

臺灣各路生番歸化并開山招撫情形疏光緒十三年

臺灣巡撫 劉銘傳

竊臣於光緒十二年四月並九月剿撫南北各路番社情形先後奏明在案上年十月據署臺灣道陳鳴志統帶鎮海後軍副將張兆連先後稟稱後山番社未撫尚多番在深山之內北抵蘇澳歧萊南至埤南恒春若由水尾適中之地與前山彰化遙

遙相對開通路道聲氣聯絡先撫後山中路其餘聞風向化招撫較易否則一撫之後聲氣仍然隔絕徒糜經費難求實效等因臣當檄署臺灣鎮總兵章高元統帶礮隊並鎮海中軍前營定宇左營及練兵七百人兼雇石工民夫由彰化境之集集街開山而東張兆連由水尾開山而西兩面夾攻期會辦章高元率勇由拔埔社開至丹社嶺計修路一百二十二里張兆連自水尾開至丹社嶺計程六十里均係崇山峻嶺該鎮等鑿石伐木自冬至春一律修竣張兆連當乘開山軍勢即派管帶黃定國畢寶印先將水尾南北川丁仔老等二十四社番丁四千餘人招撫歸化一律雜髮擇立社長頒給憲書條款使奉正朔次由純連港至歧蘇沿山一帶招撫他良等十二社番丁二千餘人當有毗連歧蘇之大魯閣爪等社丁眾情強意圖抗拒張兆連因大魯閣社為北路最強之番若招撫歸化則歧蘇一帶即可一同就撫親帶三營隊伍紮駐山口聲言開礮攻剿該社番目廉盡溫等畏威乞撫並願同大馬鞍大吧龍等五十三社一同歸化先後雜髮一萬五千餘丁此水尾至花蓮港後山北路番社一律歸化之情形也張兆連於北路生番歸化之後即會同埤南同知歐陽駿移軍向埤平南埔一帶內山招撫南路生番平埔以南各社以呂家旺左右為最強該社地大丁眾雄其儕偶不獨不遵雜髮之令且統眾強阻附近各社不准就撫各番因而觀望張兆連歐陽駿當傳通事米清吉到營告以該社素行恃眾藐法此次是降是抗立即回報一面滾營進紮耀兵山麓呂家旺番目卞海盈齊骨獅康大鸞等見官軍逼近勢在攻剿聚謀數日各隨通事到營乞撫並約同附近巴六凡等二十六社一律歸化並有八桡等十三社亦聞風歸化統共雜髮番丁一萬三千餘人其毗連恆春鳳山兩縣屬境層巒疊嶂內有番社在鳳山轄境者以三條崙為大枝在恆春轄境者以高山社丹灣為大枝張兆連督同鳳山營都司藍鳳春管帶林維積分道進山招撫三條六儀等十五社高山社丹灣阿眉等二十二社中心崙等四十二社又飭管帶黃定國畢寶印招撫大蘭大打臘打南等十二社地極幽深各番皆伏處山頂寒苦異常自呂家旺至大蘭等處共撫一百二十九社計番丁三萬五千餘人此埤南恆鳳所屬後山南路番社一律歸化之情形也鳳山所屬前山尚有未撫各番且上年檄飭統帶鎮海前軍副將陶茂森率隊由牛欄棍內口半路店招撫沙摩溪等六社由山豬頂招撫柏葉等十八社由萬金店招撫黃箕等四社統計二十八社番丁一萬二千餘人均皆雜髮歸化其毗連臺灣嘉義兩縣所屬內山未降番社經署臺灣道陳鳴志檄飭鎮標中軍易豫俊招撫大喃等二十四社番丁四千三百餘人又派遊擊劉智坤續撫大武龍內攸等四社番丁四百餘人章高元由彰化水底寮開路至埔裏社沿山招撫北港萬霧等五大社眉毛納吻等四十四小社番丁九千餘人又由拔埔社開路至丹社嶺路撫卓大意東等六十一社番丁八千餘人中路嘉彰之交經六斗門縣丞陳世烈於雲林坪設局招撫沿山即番十六